



35. ՍԱԼԴԱԹԸ

Մեհետ մին սալդաթ ա ինոնում ուրան պոստումը վրեննը կացած։ Թաքավերեն տղան մին ջովարու նհետ զրոնց ընելավ համ կյամ ա, քյինում, համ էլ, թա.— Մին իրեք հազար մանեթս բեգար, քյինի վաճառականեն ախճիգյը պիրի։

էտ սալդաթը ըսկանում ա, թա.— Քու իստինըտ, ինդինըտ, յըես առանց մին կըպեկի էտ ախճիգյը կպիրիմ։

Թաքավերեն տղան քյինում ա հորը, թա.— Յըես իստի ըսեցե, մին սալդաթ իստի ասից։

Թաքավերը ծեն ա տամ էտ սըլդաթեն տանում, թա.— Էն հի՛նչ ա իլավ, վեր ինդի յըս ասալ։

Սալդաթն ասում ա.— Պա դե կկարիմ պիրիմ։ Թաքավերին ասում ա.— Մին թոխտ տոք, վեր ամմեն հինչ անելի իրավունք օնիմ, միչև անքամ մարթ ըսպանելի իրավունք օնիմ, համ էլ իրեք տարե սրոկ տոք, պիրիմ։

Թաքավերը ուզի յա կենում։ Ըտրան իտի մին թոխտ ա տամ, համ էլ իրեք տարե սրոկ ա տամ։

էտ սալդաթը լոխ յոր ա օնում, քյինում։ Քյինիյիս չախը մին գեներալ ա ջիհում։ էտ սալդաթը իսկյի մհալ էլ չի տինում, շուրուկսը ծիքյ տալավ քյինում ա։ էտ գեներալը կզնվում ա, ըսկսում ուշոնց տալը։ Սալդաթը թոխտը տոն ա օնում, նշանց տամ, վեր իրավունք օնե ըսպանե։ Գեներալը տուն ա օնում, մին իրեք հազար մանեթ տամ, աղաղվում։ Սալդաթը քյինում ա, տրեսնում սըլդթ—

ներեն մեծը սլզըթնուն հըղըցնում ա: Սուա ըրած, շուքուխը քշիլավ քյինում ա, քշտուռնավը անց կենում, էտ սլզըթնուն մըեծը ետ ա տըեռնում, ըսկսում ըտրան ուշունց տալը:

Սալդաթը թոխտը տուս ա օնում, նշանց տամ, մին վեց հազար մանեթ էլ ըտրանա ինքյ օնում, քյինում: Քյինում ա ամենալավ պիներան, ամմեն հինշան զակազ տամ, պիրում, լավ ստոլ սարքում, ղրաղեն նստում: Եշում ա, տեսնում վաճառականեն ախճիգյը մին գեներալու նհետ կյամ ա:

էտ ախճիգյը վեր էտ սլզաթեն իտի տեսնում ա, գեներալեն ասում ա.— Տու գեներալ ինիլավըտ կարում չըս, թա ինդի պեներ առնիս, ամմա սալդաթն առնում ա:

Վերչը ուրանք էլ ընդեղ ղոնաղ ըն ընգնում, օտում պրծնում: էտ ախճիգյը գեներալին ասում ա.— Քյինի էն հինշ տըեղը, ասե էս հինշ վաճառականեն ըխճըկանը զակազ տված սըհաթը տոք: Փողը տոք, երկալ, էս հինշ ժամեն եք էս հինշ տըեղը:

էտ վեր էն ախճիգյն ասում ա, սալդաթը լոխ ըսկանում ա, ինքյը եր ա կենում ըռաշկեն քյինում, միկա իվիլ փող տամ, սըհաթը յոր օնում, ասած ժամեն քյինում, քյինդիրավը պիցրանում, քյինում ըխճըկանը կոշտը: Մթեն ա ինում, էն ախճիգյը ճընանչում չի, գլիդում ա, թա գեներալն ա:

Սալդաթը սըհաթը տամ ա ուրան, պրծնում, թա քյինի, դասիգան մուտանան վեր ա քըցում, ասում.— Մուտանաս վեր ընգավ:

էն ախճիգյը ասում ա.— Իմս տու եր կալ, էքյուծ յըես քունը կքթենամ պիրիմ, կփոխինքյ:

Մուտանան յոր ա օնում, պրծնում, թա.— Մնանուցս էլ ա վեր ընգալ:

էս ախճիգյը էլհա ուրան մնանուցը տամ ա սլզաթեն: Սալդաթը յոր ա օնում, քյինում: Վեր լուսանում ա, էտ սալդաթը էլհա քյինում ա ստոլ սարքում, ընդեղ նստում, մուտանան, մնանուցը մանումը, ծեռքը տինում ճկատեն:

Վաճառականեն ախճիգյը կյամ ա, իտի տեսնում, թա.— Յըես օղում ըմ քյըեղ նհետ ծանոթանամ:

Սալդաթն ասում ա.— Յըես մին հասարակ սալդաթ, տու վաճառականու ախճիգյ, հո՞ւնց ծանոթանանք:

Ախճիգյըն ասում ա.— Վնաս չօնե:

Ծանոթանում ըն, թաքուն խոսք տամ, վեր փըսակվին: էտ ըխճըկանը հարը գյուգում չի: Ըտրա մին կորած պարախող ա ինում, հայտարարում ա, վեր ծախում ա: էտ սալդաթը ինքյ ա օնում:

Պարախոդը վեր քթենում ա, սալդաթը ապրանքը լոխ տոն ա տամ,
յոր օնում:

Վաճառականը կյամ ա, տեսնում, ասում.— Եք յըես տու պա-
րիկամանանք:

Իտի էլ անում ըն, ախճիգյը տամ ա էտ սլդաթեն: Իրեք տարեն
վեր թմամում ա, էտ սալդաթը վաճառականն ախճիգյը յոր ա օնում,
քյինում, թա.— Թաքավերն ապրած կենա, վաճառականն ախճիգյը
պերալ ըմ:

Թաքավերը նորու հրսանեքյ ա անում:

